

البولس

## أفسس

البسوا الإنسان الجديد

القديس بولس بيركز في الرسالة الرائعة دي على عمل ربنا لخلاصنا ... و إزاي إحنا نخلع الإنسان العتيق و نلبس الإنسان الجديد ... و نكون صورة ربنا في كل تعاملاتنا

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه  
ده مجرد ملخص بسيط، مش درس كتاب ☺

i عن السفر

PAUL SUMMARIZES  
THE GOSPEL STORY  
& HOW IT SHOULD RESHAPE EVERY PART OF  
OUR STORY.

عدد الإصحاحات: 6

? ظروف الكتابة:

- أفسس كانت من المدن المهمة جداً في المنطقة دي (آسيا الصغرى) ... و كانت مدينة وثنية
- القديس بولس زار أفسس مرتين:
- 1. في الرحلة التبشيرية الثانية : و هو راجع من اليونان زيارة سريعة بالصدفة من غير تخطيط ... دخل المجمع اليهودي و بشر ... طلبوا منه يقعد معاهم أكثر لكن هو قال لهم إنه مستعجل يرجع أورشليم ... و هايرجعلهم ثاني قريب

2. ده حصل فعلاً في **الرحلة التبشيرية الثالثة** ... و القديس بولس قعد في أفسس أطول فترة (حوالي 3 سنين) و كانت كنيسة قوية هناك من اليهود و الأمم ... عمل هناك معجزات عظيمة ... و كمان ألقى خطابه الوداعي من ميليتس على قسوس كنيسة أفسس.

○ كتب لهم الرسالة دي بعدها بسنين و هو مسجون في روما

### ✓ هدف السفر:

- يفهمنا عمل ربنا العظيم لخلاصنا و تجديد طبيعتنا
- يفهمنا إزاي نعيش حياتنا في المسيح و نحارب قوات الشر الشيطانية بالروح القدس
- يفهمنا إزاي عمل ربنا خلّى فيه كنيسة واحدة هي جسده ... تضم ناس من كل اليهود و الأمم في وحدانية

### 🔑 مفاتيح فهم السفر:

- القديس بولس (كرسول للأمم) في رسايله دايماً بيركّز على أفكار رئيسية:
  1. إن التبرير و الفداء برّبنا يسوع المسيح هي نعمة منه مش بنستحقها بأعمال الناموس ... أعمالنا هي نتيجة إيماننا مش تَقَن فداؤنا
  2. إن مافيش فارق في كنيسة العهد الجديد بين يهود و أمم ... الكل واحد في المسيح يسوع
  3. انتهاء ذبائح و طريقة عبادة العهد القديم ... الذبيحة الكاملة هي ذبيحة السيد المسيح، اللي بدأ معنا عهد جديد بكهنوت جديد (زي ما شرح بالتفصيل في رسالته للعبرانيين)
  4. إحنا لينا دور في قبول نعمة ربنا و خلاصه، لازم نسلك بالطبيعة الجديدة اللي أعطاهنا لينا ربنا في المعمودية، نسلك بثمار الروح القدس (زي ما شرح بالتفصيل في رسالة غلاطية)

### ☰ ترتيب السفر

الرسالة مقسومة نصّين

إصحاح 1 ل 3

### عمل الله لخلاصنا

محبة الثالوث القدوس للبشرية و خطة خلاصها .. و نعمة ربنا اللي وّحدت اليهود و الأمم في كنيسة العهد الجديد

إصحاح 4 ل 6:


### الإنسان الجديد

تجديد طبيعة ربنا لنا بطبيعة جديدة مُبَرَّرة ... و دورنا في خلع الإنسان العتيق و التمشك  
بالجديد



ملخص السفر

## # 1: عمل الله لخلاصنا



- **إصحاح 1 (آية 1 ل 13)** يبدأ بقصيدة تسبيح للثالوث القدوس ... شكر لله الآب على أعماله العظيمة في المسيح يسوع ... الآب اللي من الأزل في خطته إنه يبارك البشرية في عائلة واحدة (زي ما وعد أبونا إبراهيم) ... و بالمسيح اللي فداننا و برّرنا و أعطانا طبيعة جديدة، أي حد دلوقتني ممكن ينضم بالتبني للعائلة دي ... لأن قصد الله هو أن يجمع الكل في المسيح يسوع: اليهود اللي كانوا منتظرين مجيء المسيح ... و الأمم اللي كانوا في الظلمة لكن الروح القدس حل عليهم هم كمان لما آمنوا

- بعد القصيدة (آية 15 ل 23) بيصلي القديس بولس إن كنيسة أفسس إنهم مش بس يعرفوا بل **يختبروا قوة قيامة ربنا يسوع في حياتهم**
- في **إصحاح 2 (آية 1 ل 10)** بيبدأ القديس بولس يركّز أكثر على **نعمة ربنا مع الأمم** ... اللي كانوا في حياة مظلمة مليئة بالخطايا و مافيهاش أي أمل في الخلاص ... لكن بصليب ربنا يسوع و قيامته، أقام معه كل الخطاة المؤمنين به ... و بقى لينا رسالة و أعمال صالحة
- (آية 11 ل 22) مش بس كده ... ده كمان صليب ربنا يسوع و **تّد المؤمنين به من اليهود و الأمم في عائلة واحدة (الكنيسة)** ... و الحاجز المتوسّط اللي كان بين اليهود و الأمم و يمنع الأمم من الدخول إلى الأقداس اتشال خلاص
- في **إصحاح 3** **بيفتخر القديس بولس بنعمة ربنا اللي جعلته رسول للأمم** ... و فرحان رغم إنه في السجن بسبب كرازته دي إنه شايف الكنيسة بتكبر و تزيد في العدد من اليهود و الأمم.
- و يصلي لأهل أفسس إنهم يدركوا محبة الله الفائقة ليهم ... بالروح القدس اللي يقويهم

الذي فيه لنا الفداء بدمه، غفران الخطايا، حسب غنى نعمته ... لتدبير ملء الأزمنة، ليجمع كل شيء في المسيح، ما في السماوات و ما على الأرض، في ذاك ... لنكون لمجد مجده، نحن الذين قد سبق رجاؤنا في المسيح. الذي فيه أيضا أنتم، إذ سمعتم كلمة الحق، إنجيل خلاصكم، الذي فيه أيضا إذ آمنتم خُتمتم بروح الموعد القدوس

أفسس 1 : 7 و 10 و 12 و 13

- ربنا خطته لا تفشل
- فداننا و أحياننا بغنى نعمته علينا
- حتى إحنا الأمم البعيدين، حل فينا و طهّرنا و سكن فينا روحه القدوس

**لأنكم بالنعمة مَخْلُصُونَ، بالإيمان، و ذلك ليس منكم. هو عطية الله. ليس من أعمال كي لا يفخر أحد. لأننا نحن عمله، مخلوقين في المسيح يسوع لأعمال صالحة، قد سبق الله فأعدّها لكي نسلك فيها.**

أفسس 2 : 8 ل 10

الخلاص نعمة من ربنا و لا أحد يستحقها مهما عمل ... الفداء فقط بدم المسيح و ده لا يُقَدَّر

بثمن

ربنا خلقنا و في خطته لكل واحد فينا أعمال عظيمة و جميلة ... ربنا يَدِيننا نعرف رسالتنا و نسلك زي ما ربنا خطَّ لنا

**لكي يعطيكم بحسب غنى مجده، أن تتأيدوا بالقوة بروحه في الإنسان الباطن، ليحلّ المسيح بالإيمان في قلوبكم، و أنتم متأصلون ومتأسسون في المحبة، حتى تستطيعوا أن تدركوا مع جميع القديسين، ما هو العرض و الطول و العمق و العلو، و تعرفوا محبة المسيح الفائقة المعرفة، لكي تمتلئوا إلى كل ملء الله**

أفسس 3 : 16 ل 19

محبة ربنا لينا هي اختبار و عشرة، مش مجرد معلومة عارفينها  
و كل ما ربنا يسوع يسكن فينا أكثر بروحه القدوس، كل ما نفهم أكثر قد إيه هو بيحبنا  
عشان كده القديسين هم الناس اللي فهموا يعني إيه ربنا بيحبني و بذل ذاته عشاني  
طبعاً دي حاجة مالهاش نهاية ... محبة ربنا لينا فائقة

**مستنيرة عيون أذهانكم، لتعلموا ما هو رجاء دعوته، و ما هو غنى مجد ميراثه في القديسين، و ما هي عظمة قدرته الفائقة نحونا نحن المؤمنين، حسب عمل شدة قوته الذي عمله في المسيح، إذ أقامه من الأموات، و أجلسه عن يمينه في السماويات**

أفسس 1 : 18 ل 20

قيامه ربنا يسوع مش مجرد بس انتصار ليه على الموت و الشيطان ... قيامه ربنا يسوع هي أهم حدث بالنسبة لينا ... و هي محور كرازة الكنيسة الأولى  
ده لأنه بقيامته أقامنا معاه ... و أعطانا رجاء و بقى في العهد الجديد الموت مجرد رقاد ... و بقى يقدر القديس بولس يقول إنه ليه اشتهاه أن ينطلق و يكون مع المسيح ... و غيره كثير من الشهداء و القديسين استهانوا بالموت  
الرجاء العظيم ده تغيير رهيب عن العهد القديم ... اللي كان فيه كل اللي يموت بيروح الجحيم ... طبعاً لحد ما ربنا اتصلب و رد آدم و بنيه من أتقياء العهد القديم إلى الفردوس

**و لكن الآن في المسيح يسوع، أنتم الذين كنتم قبلاً بعيدين، صرتم قريبين بدم المسيح. لأنه هو سلامنا، الذي جعل الاثنين واحداً، و نقض حائط السياج المتوسط أي**

## العداوة. مبطلاً بجسده ناموس الوصايا في فرائض، لكي يخلق الاثنين في نفسه إنساناً واحداً جديداً، صانعاً سلاماً

أفسس 2 : 13 ل 15

❗ الأهم في العهد القديم كانوا بعيدين تماماً على الخلاص ... بدون إله ولا رجاء ... ينظر لهم اليهود نظرة دونية

❗ و كان ليهم رواق كده أو حوش في الهيكل مكانش ينفع يعدّوه و يدخلوا جوة

❗ لكن ربنا يسوع بصليبه جعل الاثنين واحداً ... و نقض الحائط الفاصل ده ... و أدخلنا للأقداس كلنا بدمه ... و وّحدنا كلنا شعب واحد و جسد واحد و كنيسة واحدة فيه

### نتعلّم إيه؟

إحنا في عزّ و مجد كبير جداً و متمتعين بحب ربنا لينا بطريقة فائقة في العهد الجديد (و خصوصاً إحنا كأهم بعد ما كنا بعيدين جداً و بلا إله)

🙏 يا رب خليني دائماً أفكر العزّ اللي أنا فيه و المجد و المحبة العظيمة اللي انت أحببتها لي يا أعظم صديق

## # 2: الإنسان الجديد



- الجزء الأول من **إصحاح 4 (آية 1 ل 16)** يتكلم عن **وحدانية الكنيسة** ... و الجزء ده من أهميته بنقراه كل يوم في مقدمة صلاة باكر.  
لكن مش معنى الوجدانية إن الناس كلها زي بعض بالظبط ... بل ربنا أعطى لكل واحد **موهبة مختلفة عن الثاني عشان الكنيسة تكمل بعض** ... زي أعضاء الجسد الواحد اللي رأسه هو المسيح ... المهم كله يشتغل بقوة الروح القدس (الروح الواحد)
- في الجزء الثاني (**آية 17 ل 32**) يقول القديس بولس إن الروح الواحد ده هو اللي ينقل الإنسان و يبدله تماماً ... **من إنسان عتيق مليان خطايا و مش قادر يعمل البر ... لإنسان جديد له فكر المسيح**
- و بيكمل القديس بولس في **إصحاح 5 (آية 1 ل 21)** مقارنات بين أعمال الإنسان العتيق و **الإنسان الجديد** ... فارق كبير جداً طبعاً للإنسان اللي فيه روح ربنا ... يقدر يحب و يسامح و يشجع و يضبط نفسه و يكون في سلام.

- و في النص الثاني من الإصحاح (آية 22 ل 33) يركز القديس بولس على **الزواج المسيحي** ... و الجزء ده بنقراه في بولس الأفراح من أهميته، لأنه ببساطة بيركز على المحبة بين الزوجين كالعلاقة بين يسوع و الكنيسة ... الزوج عليه الحب و بذل الذات، و الزوجة عليها الاحترام و الخضوع.
- و نفس المبدأ بيقله القديس بولس في **إصحاح 6 (آية 1 ل 9) بين الأبناء و الأهل** ، و بين العبيد و سادتهم
- في الجزء الأخير من الرسالة (آية 10 ل 18) يتكلم القديس بولس عن **السلح الروحي اللي نحارب بيه إبليس** ... و نلاقي السلح ده مبني على ملابس الجندي الروماني و على نبوات سفر إشعياء (11 : 5 و 49 : 2 و 59 : 17)

**جسد واحد، و روح واحد، كما دُعيتم أيضاً في رجاء دعوتكم الواحد. رب واحد، إيمان واحد، معمودية واحدة، إله و آب واحد لكل، الذي على الكل و بالكل و في كلكم.**

أفسس 4 : 4 ل 6

الكنيسة = جسد واحد لربنا يسوع المسيح (رأس هذا الجسد) ... و كل واحد فينا عضو هي دي دعوتنا اللي أخذناها في المعمودية: نشترك كلنا في الكنيسة بوحداية الإيمان و الأسرار

**أن تخلعوا من جهة التصرف السابق الإنسان العتيق الفاسد بحسب شهوات الغرور، و تتجددوا بروح ذهنكم، و تلبسوا الإنسان الجديد المخلوق بحسب الله في البر و قداسة الحق.**

أفسس 4 : 22 ل 24

ده ملخص الرسالة و جهادنا في حياتنا : نخلع العتيق و نلبس الجديد اللي بيسلك زي ربنا يسوع

**و أما أنتم الأفراد، فليُحِبَّ كل واحد امرأته هكذا كنفسه، و أما المرأة فلتنهَب رُجلها.**

أفسس 5 : 33

ده ملخص دور الزوجين ناحية بعض: الزوج عليه المحبة ... و الزوجة عليها الخضوع

**من أجل ذلك احملوا سلاح الله الكامل لكي تقدرُوا أن تقاوموا في اليوم الشرير، و بعد أن تُثَقِّمُوا كل شيء أن تثبتوا. فاثبتوا ممنطقين أحقاءكم بالحق، و لابسين درع البر، و حاذين أرجلكم باستعداد إنجيل السلام. حاملين فوق الكل ترس الإيمان، الذي به تقدرُون أن تطفئُوا جميع سهام الشرير الملتهبة. و خذوا خوذة الخلاص، و سيف الروح الذي هو كلمة الله**

أفسس 6 : 13 ل 17

تشبيه جميل جداً من القديس بولس لصراعنا ضد الخطية و الشيطان ... و أسلحتنا الروحية اللي نكسب بيها

**و هو أعطى البعض أن يكونوا رسلاً، و البعض أنبياء، و البعض مُبَشِّرِينَ، و البعض رعاة و معلمين، لأجل تكميل القديسين لعمل الخدمة، لبنيان جسد المسيح**

أفسس 4 : 11 و 12

كل واحد له دور في الكنيسة .. و الدور ده دور مهم و من غيره يبقى فيه حاجة ناقصة لازم يكون لي دور ... و مش لازم الدور ده يكون حاجة واضحة أو كبيرة، لكن لازم أعمله بأمانة و بمحبة

**مكلمين بعضكم بعضاً بمزامير و تسابيح و أغاني روحية، مترنمين و مرتلين في قلوبكم للرب. شاكرين كل حين على كل شيء في اسم ربنا يسوع المسيح، لله و الآب. خاضعين بعضكم لبعض في خوف الله.**

أفسس 5 : 19 ل 21

المزامير و الألحان و الترانيم من أجمل الحاجات اللي تفرّج و تعزّي أي إنسان مسيحي في كل ظروفه

نقدر نقرا تأمل عن الآية دي [هنا](#)

**أيها الأولاد، أطيعوا والديكم في الرب لأن هذا حق ... و أنتم أيها الآباء، لا تغيظوا أولادكم، بل ربّوهم بتأديب الرب و إنذاره.**

العلاقة بين الأهل و أولادهم بقت صعبة في زماننا ده  
 الأبناء عليهم احترام والديهم و طاعتهم و قبول تأديبهم (طول ما هم مش بيخالفوا وصايا ربنا) ... و دي وصية من العهد القديم: أكرم أباك و أمك  
 لكن على الناحية الثانية، الآباء و الأمهات عليهم دور: لا يغيظوا أولادهم ... بصراحة آباء كثير ساعات بيقولوا كلام وحش أو محبط أو فيه عدم اهتمام لأولادهم ... ده بيغيظ الأولاد جداً ... زي ما الأولاد عليهم الطاعة، فالآباء بالأكثر عليهم الحب و التربية الصحيحة حسب وصايا ربنا

## نتعلم إيه؟

إحنا مش زي العالم في تفكيرنا و تعاملنا مع بعض ... ربنا أعطانا طبيعة جديدة و أسلحة  
 نقدر نحارب بيها الشر و نعمل الخير  
 🙏 يا رب خليني أحافظ على الإنسان الجديد اللي لبسته في المعمودية ... و ألحق نفسي  
 بالتوبة المستمرة ... أسلك كما يليق بابنك أو بنتك

## المراجع

- موقع [The Bible Project](#)
- وعظة أبونا داود لمعي من برنامج [فتشوا الكتب](#)
- موقع [القديس ت كلاهيمانوت](#)